





# BEATISSIMAE VIRGINIS MARIAE LAUDATIO,

Qua Roma loquitur, ac Sanctissimo Patri D. N.  
PAVLO V. Pontifici Maximo de amplissima Ae  
in Basilica S. MARIAE Maioris, summo artificio  
& ornatu exaedificata, gratulatur;

PAVLO V. Pont. Max. dicata

*R. D. Pomponio Brunello auctore, qui eandem laudationem  
interpretatus est, ac Illustrissimae & Excellentissimae  
D. CAMILLAE VRSINAE BVRGHESIAE  
Suismonae Principi dicauit.*



ROMAE, Ex Typographia Camerae Apostolicae. 161  
*Superiorum permissu.*

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARRISTER AT LAW  
IN GREAT BRITAIN  
AND OF THE COMMONS OF GREAT BRITAIN  
IN PARLIAMENT ASSEMBLED  
VOL. I.  
LONDON: PRINTED BY J. BARNES, ST. MARTIN'S LANE, 1789.



SANCTISSIMO  
AC BEATISS. PATRI  
DOMINO NOSTRO

D. PAVLO Quinto Pontifici Max.  
supremam ac perpetuam felicitatem

*Dicit ac precatur Pomponius Brunellus.*



Non equidem video Beatissime  
Pater, cur, verbis cum rebus  
ipsis decertare, imprudentiae  
sit adscribendum, si praesertim  
destituatur is rerum facultate,  
cui verborum non sit inopia.

Etenim opus numquam satis profecto lauda-  
tum, ad MARIAE Virginis gloriam, per Te  
confectum & editum, nemo est, cui non maxi-  
me probetur. Ut illud ipse illustrius redderem,  
dicendo, Virginem pro viribus laudari à me,  
ac potius ab ipsa Roma, quam feci loquen-  
tem, non alienum putavi, ut operis tanti, tam-  
que eximij perfectionem, quam Pontificis Ma-

ximi sanctitas & liberalitas est consequuta , ad  
Virginis merita significanda esse aprissimam  
comprobarem. Legerint vero , qui non vide-  
rint, qui vero viderint, ad maiorem in Virgi-  
nem venerationem , facile , opinor, legendo in-  
flammati , & Virginem , & Pontificem sum-  
mum fuerint vehementius venerati. Quan-  
tulumcumque sit, quod ipse conscripserim , &  
qualecūque fuerit dicendi genus; Tui celeberrimi  
ac sanctissimi nominis dignitate, Pater Bea-  
tissime, insignitum , dum ad meam & in MA-  
RIAM Virginem , & in Te pietatem declaran-  
dam, prodit in lucem; ad animos in rebus diui-  
nis demulcēdos, ac iuuandos suauius, salubrius,  
& aptius fore non dubitavi. Ego vero iam v-  
trumque ad Te defero , Tuæq. dico animi ma-  
gnitudini ac sanctitati, tum verbis opus contex-  
tum, ipsi quidem rei quam & religio Tua & vi-  
gilantia perfecit, nulla vñquam ratione compa-  
rādum, quo opus illud amplissimum Tuum ma-  
iore luce, quo ad eius fieri possit, augeatur: tum  
meipsum , qui id efficere conatus sum , quod &  
Tibi nō iniucundum, & ceteris omnibus ad ani-  
mos perfectione magis informandos , salutare  
futurum putavi. A Te peto etiam, atque etiam,  
Pater Beatissime, vt quidquid elaborauerim, bo-  
ni consulas, atque, cum pro eximia Tua pietate  
bea-

3  
61  
beatissimam Virginem optime & maxime venereris, eum, qui Virginem gloriosam celebrare voluerit; Tuo praesidio non indignum ducas. Quod si quid in mea dicendi ratione quempiam offenderit, quae divina sunt, humanis nos penitus assequi verbis non posse, viderit illa tua prudentia singularis. Verum in rebus arduis & ab hominum facultate paene prorsus alieni, conatus ipse non ingratus esse videatur. Tua vero eximia & amplissima munera, quibus & divina Te clementia, & optima animi Tui inductio praestantissimaq; donavit, auxit, ornauit, si diligentius & accuratius recenserem; verendum mihi profecto non esset, ne non ad omnem corrigendam sufficerent prauitatem. Praeteream igitur, necesse est & virtutes, quibus floruisti semper, & rerum praeclare gestarum gloriam, quae perpetuo virescere non desistet, & laudum Tuarum praestantiam, quas nulla umquam aetas potuerit conticescere. At nouimus, quae & quanta sit animi Tui moderatio, quum, quae de Te verissime dicantur, ea tamen adulationis ergo fuisse conficta arbitreris, ac Tibi quodammodo peracerba esse videantur. Quidquid vero de Tuis laudibus verissime dici potuerit, viderint vniuersi: neque enim obscure, sed in clarissima luce, & in excelsa loco, caelo  
ni-

nimirum proximo, & in orbis terrarum theatro, ad immortalitatis gloriam comparandam, à Te res quotidie praestantissimae geruntur. Nemo igitur omnino sit, qui Deū Opt. Max. assidue non deprecetur, vt, pro rerum praeclarissime gestarum amplitudine, ad commune bonum, ipsiusque Dei gloriam & Tuam, Te, beatissime Pater, incolumem diutissime tueatur. Romae. vi. Kal. MDCXIII.





4  
5  
D. IOSEPHI  
CASTALIONIS

L. V. D.

ac Poetae celeberrimi,

*In Beatissimae Virginis MARIAE laudationem*

A Reuer. D. POMONIO BRVNELLO  
conscriptam.

C A R M E N.



EGIFICO pietas posuit BVR-  
GHESIA sumptu

Exquilijs aedem celsis, & Vir-  
ginis auxit

Effigie, coluit semper quam  
ROMA fidelis,

Atq. salutauit superis delapsus ab oris  
Angelus humanis vectam ceruicibus, Urbis  
Per vicos, dum dira lues depasceret aegram.

B Pro-

Prodigio niuis innumeros celebrata per annos  
 Testudo templi steterat, nunc addita templo  
 Altera congruit splendentibus Aula lapillis.  
 Hanc propriam Sanctae decreuit Imaginis esse  
 Maximus Antistes sedem, populoq; frequente  
 Intulit huc sacrae tabulae venerabile donum.  
 Ad Transalpinos Pompom scripta disertum  
 Aurea sublimis ducunt conuexa sacelli.  
 Ille DEI Matrem celebrat, laudesq; per omnes  
 Virginis it pius, & PAULI monumenta re-  
 censens,  
 Mira renascentis dominae decora explicat Vr-  
 bis.



5  
6

# BEATISSIMAE VIRGINIS MARIAE LAVDATIO.



QVAM DIGNUM ME ROMAN, Pater Beatissime,  
Pontificis Max. parentem, Ecclesiae sacro-  
sanctae principum alticem, & verba facere  
conantē, haesitantiae labor eludet? Quam-  
diu me Urbem, cuius nutu, atque imperio,  
Orbis terrarum tuendi perpetuae sunt par-  
tes, & cuius nomen Robur, atque inuictis litterarum notis,  
Amorem significat, quaeque denique ad summi boni pe-  
rennitate allicio, in tam probatae tamque spectatae &  
veteris & recentioris eloquentiae flumine, dicendi ansa &  
animus defecisse videatur? At vero me, dum & ciues &  
peregrini, dum & infimi & summi, dum denique rudes &  
eruditi, quippe qui audire aliquid studeant, confluunt,  
ipsam mihi indicare silentium non pariat, non oportet, ac  
vocem potius in rebus tum ad audiendum grauissimis, tum  
ad dicendum ornatissimis, quam maxime cōtendere, prae-  
clarum mihi esse verissime quidem certe sentiam & confir-  
mabo. Aude vero, vox, aude, quae ex venustissimo sep-  
tem collium ore erumpere consueuisti, neque de caelorum  
terrarumque Regina, de Virgine scilicet immortalis Dei,  
ipsiusque Virginis, ac rerum omnium opificis, & effectoris  
parente, arduum sane dicendi opus, neque materiem dif-  
ficillimam quidem, sed praestantissimam, neque Pontifi-  
cis Maximi audiendi studium, quo vel perturbatissimus  
quisque maxime recreetur, reformides. Est enim profecto  
iure optimo sperandum, fore, ut neminem, quantum pro-  
feceris, de re tanta dicendo, poeniteat. Quid vero iam mi-  
hi aliud agendum esse maxime videatur? nam vbi Pontifi-

eum ipsum Maximū Paradisum in Exquilijs extruxisse per-  
 spexerim, qui caelesti illi pro sua facultate respondeat Para-  
 diso, vnde Virginis MARIAE praesentia per ipsius imaginē  
 praestantissimam excipiat, ad alterū ipsa laudum Paradi-  
 sum aggrediar, oratione contexendum, qui cum illa aedi-  
 ficij praestantia contendere quidem certe, eam tamen as-  
 sequi penitus nullo modo posse videatur. Ac primum quid  
 breuius, quid illustrius, quid verius, quam **MARIAM** Vir-  
 ginem amoenissimam nobis, illum in orbe terrarum Dei  
 nutu confutum, atque immensū, & vniuersis prope deli-  
 cijs affluentem, [Paradisum referre. & ibi in teterrimum  
 fuit humani generis hostem, ore illo diuino, acerbissima  
 compinatione, prolatum: Et ipsa conteret caput tuum.  
 Et quoniam lucis initia ab Aurora sumuntur, **MARIAM**  
 Virginem nō Paradisum modo, sed Auroram ipsam ad Pa-  
 radisum collustrandum esse fateamur, & illius pulchritu-  
 dinem ac decus admiremur ac celebremus. Illa enim bea-  
 tarum mentium delectationem amplificat, humanarum  
 miseriorum tenebras auerit, ac nostros animos extollit, ut  
 pro nostra virum imbecillitate, splendore fulgentissimo  
 perfruamur. At vero & Sole, & Luna, & Aurora montes,  
 quo aliores sunt, eo prius ac magis illustantur. Et qui-  
 dem montem praecellum esse **MARIAM** Virginem con-  
 firmemus, quo sancti Spiritus, ac Diuinitatis splendor af-  
 fultus; neque montem solum, sed vniuersum terrarum or-  
 bem ab hac tam singulari tamque immensa Virgine susti-  
 neri, vni omni perturbationum abducta, approbatione om-  
 nium dixerim. Age vero prius quam me longius labi si-  
 no, huius Paradisi ortum paulo alcius repetamus. Ete-  
 nim diuinorum consiliorum magnitudinem mihi diligen-  
 tius animo pertractanti, venire videtur in mentem, qua  
 prouidentia Deus, qua sapientia, Virginem Paradisi tela-  
 turam delicias, sibi uitam futuram, humanis consultu-  
 ram exitijs, condidit. Videor equidem iam cernere  
 animo, pro mea tamen ingenij tenuitate, illam Dei Opti-  
 mi Maximi mentem, in eius aeternitate ante orbem condi-

tum; matrem in aeterna illa atque immensa diuinitatis (ut ita dicam) voragine, quasi absortam, vel obrutam, in hominum conspectu tempore edendam suo, perpetuo existere, & quasi ante oculos habere voluisse. Verum diuinorum operum magnitudinem, quorum hoc fuisse quoddam quasi caput ac fontem videmus, quotus quisque est, qui se penitus assequutum esse confidat vel gloriatur. Nam viri sanctissimi ac doctores praestantissimi illo se diuinæ contemplationis oceano absorberi facile quidem certe patiuntur, atque adeo percipiunt, quum se ad ea, quæ in diuinitate continentur, enarranda, aptos non esse perspiciant. Fuisse tamen in illo Diuinitatis abditissimo sinu præclarum quoddam Virginis siue principium, siue fundamentum, siue simulacrum vel effigiem, siue consilium potius optimum ac nobilissimum, vaticiniorum arcana prodiderunt. Ab initio & ante sæcula creata sum, & vsque ad futurum sæculum non desinam, & in habitatione sancta coram ipso ministraui: quæque alibi sæpius diuinis oraculis recensentur. Quidnam igitur de tanto ortu potest dici præclarior, quid præstantius, quid vberius, quam illius præstantiam fuisse in Dei sempiterni mente perpetuo descriptam, atque expressam? Quamobrem mirari iam, ut censeo, ne desinamus, tam multa de Virginis ortu, in omni ætate antiquitus fuisse à diuinis vatibus pronuntiata, tam præclara in ipso contigisse, ætam innumera & admiranda, illum ipsum fuisse consequuta. Quod si quis tantæ rei speciem expeteret intueri, & quum oculis cernere non liceret, oculorum sibi acie perstricta, in mentis tamen acie sentiret adesse illico in ortu ipso Virginem, quæ fuerit lectissima foemina ex omnibus, quæ vniquàm fuerunt, sunt, & erunt in orbe terrarum, ad perfectissimæ ac felicissimæ ætatis munus explendum, ac fore Dominam singularem, quæ præter incredibilem pulchritudinis iucunditatem, præter regiae stirpis, ac nobilissimæ auorum prosapiæ decoras Solis ipsius, quem cernimus, iobare, ex multis parribus longe clariorem sit habitura conspectum, quæque tandem

Deum

Deum hominem factum sit partitura, ad genus humanum redimendum, ut omnium Saluator, summa gloria, triumphisque omnibus celebrandus, victor existat; quinam sese iam contineret, quo minus summis gaudijs exiliret, quo minus quauis grati animi significatione, quam maxime gestiendum, ac triumphandum putaret? Quid? si ea quoque ille ipse percipiat, quae licet à sensibus animum auocent, & in alia loca ipsum, sentientem tamen, longe amoeniora, longeque praestantiora deducant? quid? intueatur iam hilares & alacres supernorum ciuium coetus innumeros, Virginulae illi tantae indolis libentissime ministrantes, varie in ea re contententes ac paene decertantes: sese ad omnia in ipsam officia studiosissime exhibentes; suauissimas voces, quibus vel remotissima respondeant, atque adeo plaudant loca, artificiose fundentes; odorum suauitate omnia complentes; vario denique ac multiplici, nobilissimoq. concentu, non modo stirpis ac generis regalisque partus; sed rerum etiam, ab illa ipsa Virgine gerendarum, laudes ac praeconia promulgantes ac celebrantes; quinam sibi ipse temperauerit, quo minus, si liceat, vitam caducam & mortalem cum tantae admirationis, tantaeq. iucunditatis ac felicitatis spectaculo, cumq. illo quantulocumque temporis, omnibus referti laetitijs, interuallo commutare malit, quam, truculentis inuidi hostis insidijs, tantis gaudijs fraudari? Verum quantis nos beneficiorum diuitijs locupletare voluerit exortus iam Paradisum inspiciamus & agnoscamus. Ex hoc praestantissimo deliciarum Paradiso Christum erupisse cōperimus, immensi illius fluminis instar, quod Gacon, terrenum videlicet, est appellatum. Etenim Christus, ut in terris cum hominibus ad ipsorum salutem versaretur, diuinā humanæ naturā adiunxit. Flumen illud in quattuor diuisum capita, quattuor itē insignia beneficiorum genera, per CHRISTVM Virginis Filium, in genus humanum collata esse significat. Eorum capitum primum dicitur Nilus, qui Aegyptum conserit atque laetificat, & in Aethiopiam influit. Ex Christo in vniuersam Ecclesiam, illud

illud extitit beneficiorum genus, quo primi parētis crimen, in posteros propagatum, eluitur, & omni caligine disiecta, summa bonorum copia redundamus. Ad caput secundum pertinet Tigris, quo Assiriorum regio irrigatur. At quidem Tigris animal est tantae in catulos charitatis, ut quum eos abripiat venator, tanto animi corporisq. impetu feratur, ut in spiculum irruat venatoris. CHRISTVS mortis telum subiuit, ut è misera nos daemonis seruitute in pristinam assereret libertatem. Tercium caput Phison regionem, Heuilaeth nuncupatam, rigare dicitur atque ambire: eius vero regionis nomen nobis innuit poenitentiam. Etenim CHRISTVS animos culpa deformes, ac vitiorum turpitudine obsessos, ad crimina per poenitentiam expianda, & in eximiam quamdam pulchritudinem conuertit. Eufratis nomine, (ita enim quartum dicitur caput; quoniam vastissimis Mesopotamiae regionibus maximam rerum omnium, vbertatem largitur;) fructuum bonorumq. omnium copia & propagatio significatur. Quid vero amplitudinis, decoris, dignitatis, quae deliciae, quae vbertas, quae copia, quod emolumentum non inde redundet? quae per illum virtutum culmina non erigantur? quod vitium non comprimatur & obruatur? O terram amplissimam, ò praeclarissimum paradisum, quem nobis ante oculos ponit Virgo & mater Maria, insignia & singularia in genus humanum beneficia conferentem. Tu, Virgo, prior summis fuisti irrigata muneribus: tu terra germinans Salvatorem, & benedictus fructus, in quo omnes gentes salutis primordia perceperunt. Hanc terram, hunc Paradisum afflat Auster ille diuinus, ut inde in omnes partes effletur odorum suauitas, & frugum praestantia diffundatur. Iam vero quis immensitates camporum, agrorum culturam, messium copiam, herbarum viriditatem, suauitatem florum, arborum vbertatem, plantarum ordinem, arrificium, venustatem tam admirandi Paradisi commemorem? Vocem stupore plenissimam proferunt principes illi caelestes, dum splendentem, ac summis vndique diuitijs redundantem Virginem

nem contemplantur. Quinam fieri potest, (quasi dicant)  
ut ex vasta atque abiecta solitudine, ubi omnia dolore, lu-  
ctu, laboreq. commiscantur, tam eximia, tam insignis, tam  
singularis diuitiarum copia, Virginis beneficio, exoriantur?  
Est illa quidem venustissimus ac ditissimus Paradisus, sed  
conclusus: ubi tamen comperimus (id quod est ab homi-  
num opinione maxime remotum) ianuam esse clausam &  
patentem. Quam multa praeteream, necesse est; quam  
multa, quæ dum mentis acies non comprehendit, lingua  
reticeat? Mitto varia plantarum, arborum, florum, herba-  
rum genera, quæ Paradisum illum, perpetuo virentem,  
iucundissimum reddunt. Trium tantum plantarum prae-  
stantiam consideremus. Ibi nardum, lilium, rosam intue-  
mur. Est herba hardus demissa, odorem vero fragrantissi-  
mum spirat. In te, Virgo, nardus existit; quoniam ingen-  
ti illa animi tui demissione, ac tanta virtutum fragrantia, ex  
depressa miseriarum valle, regium solum, diuinumq. tha-  
lamum conscendisti; atque illa tibi maxime peculiari de-  
missionis iucunditate, caelestibus regionibus longe lateq.  
perfusis, Dei filij nuptias concelebrasti. Sponsus Deus, hu-  
mana sponsa natura. Tu, Virgo, Esther illa fuisti, quæ  
Assuerum, idest beatum, regem; atque adeo diuinitatem  
ipsam supplex adire vna ex omnibus potuisti. Tu sacro-  
sancto illo uteri, caeli nimirum Virginei, diuersorio, Deum  
immortalem, quem caelum veretur, quem Angeli timore  
perterriti venerantur, quem res inanimæ ac rationis ex-  
pertes non attingunt, nisi perpetuam illi obedientiam prae-  
stantes; quem hominum mentes non plane cognoscunt,  
quem caelestes non nisi ex parte degustant, recepisti, & om-  
nino praeclarissime oblectasti; atque illum ipsum Deum  
& hominem terris elargita, vera solidaq. caelos gloria im-  
pertisti, perditis opem & salutem tulisti, mortuos denique  
vita donasti. Tu enim ancilla Domini. Tu Deo te, tua  
tamen reformidante mente, ac summa veneratione pe-  
culsa, penitus exhibuisti. Tu nardus, in quam, tamquam in  
oppidum fortissimum, nemini vnquam peruium, ostio  
clau-



clauso, ingressus est Deus, vnde est idem ipse egressus, om-  
 nium saluator futurus. O deliciarum delicias, o acrumna-  
 rum finem, o gaudiorum fontem, o immensam curarum,  
 sollicitudinum, moerorumq. depulsionem. In Virgine,  
 summo egressus caelo, tamquam in arce munitissima pro-  
 pter illius mentem, summa demissionis celsitudine elatam,  
 tantoq. amplissimae illius odore virtutis flagrantem, ta-  
 bernaculum suum posuit Deus, vnde acerrimae daemo-  
 num acies fusae, interemptae, prostrataeque iacerent.  
 Quid iam de lilio castitatis dicam? Integritatem virgi-  
 neam flos candidissimus prae se fert, in quo Rex regum,  
 & Dominus dominantium sedem sibi delegit; & qui nul-  
 lis maculis esset infectus, ex Virgine nulla unquam ex  
 parte violata, processit, omnium maculas expiaturus.  
 Et quidem praecelsi epithalamij nuntius atque narrator,  
 Virginem illam venire de Libano, vt coronetur, affirmat.  
 Inde profecto candidissima proficiscitur Virgo ad can-  
 didissimas liliorum coronas excipiendas. Libani enim  
 nomen ostendit, montem illum esse maxime candidatum.  
 Ex candidato omnium virtutum monte, humano gene-  
 ri parva victoria, iouans, & omnino triumphans ad purissi-  
 mum & integerrimum liliū gestandum se contulit virgo.  
 Quantis vero laetitijs, quam fausto, quam celebri, quam  
 augusto triumpho excipitur à filio mater, à filio, inquam,  
 Deo, & Dei filio Virgo mater, vt tantarum illi virtutum  
 meritorumq. praemium largiatur? Testis est Apostolo-  
 rum princeps, testis totus Apostolorum Senatus, qui ex  
 remotissimis regionibus singuli illico Hierosolymis con-  
 uenerunt, vt MARTAM Virginem Dei parentem, e vita mi-  
 grantem, & mox in vitam reuocandam, conspicerent, atque  
 ad primam, secundū filium, caelestis regni sedem & coro-  
 nam proficiscentem, beatarum omnium mentium coetu &  
 comitatu constipatā, eundis vndiq. plaudētibz, & sanctis-  
 simae Trinitatis, vniusq. Dei summo consensu, praecelsis-  
 simis muneribus, insignibus, laureis, diadematibus, ab vl-  
 lo nunquam homine excogitandis, excipi atq. donari in-  
 cipien-

cupientem, mentis acie ac prope communi omnium oculorum obrutu prosequerentur & cernerent. O spectaculum singulare, o liberalitatem diuinam, o merita nunquam antea audita, quibus parem gratiam retulit Deus. Testes etiam o lores illi flagrantissimi, quos ex Virginis monumento, vel ex aede potius illa nobilissima, ubi tamdiu iacuit, dum reuiuisceret, spirari & efilari, qui aderant, vniuersi perceperunt. Testes denique principes illi caelestes, qui Virgini obuiam quam longissime prodeuntes, ac suauissime concinentes, toto caelo splendentissima luce collustrato, amplissimam illam caelorum terrarumq. reginam hominum patronam, virginum Virginem singularem ac praestantissimam, Dei optimi Maximi parentem dignissimam, in caeleste domicilium, in solum regale, in Trinitatis sanctissimae regnum, summa & communi omnium veneratione plausu, laetitia deduxerunt. O rerum admirandarum magnitudinem, o eximiam laetitiarum vbertatem. Qui plausus? qui concentus? quae gratulationes? quae gaudia? quam varietas, quam accurate, quam artificiose ad honores, ad cultus, ad multiplices venerationes cuncti vndique concitabantur? qui triumpho ante illum diem inauditi agebantur? quae laetitiarum voces edebantur? quam egregia, quam onusta splendoribus signa subulata? Quis vero tantarum, tamq. admirabilium rerum significationem aliquam non dicam expresserit, sed adumbrauerit dicendo? Verum eo iam, vnde diuertimus, redeamus. Etenim rosa pulcherrima ac venustissima quid nobis arguit? Virginem profecto Mariam. Quid illa flagrantius? quid candidius, quid rubicundius? Non ne ipsam nouimus fuisse charitate inflammata? Quis magis umquam Deum dilexit? quis amauit ardentius? quo amore inflammabatur in Deum, cum assidui erga se amoris aestu conflagraret? Illa est rosa, quae omnium mentes demulcet & allicit. Illa Virginis flore candida, charitatis igne rubicunda: mens in illa candida virtutibus colendis, rubeo caro, vitijs comprimendis. Illa rosa candida, Deo diligendo;

do; tota rubicunda, alienae imbecillitati indulgendo. Illa flos campi, & liliū conuallium. Egredietur virga de radice Iesse, & flos de radice eius ascendet. Illa non florem modo, sed lignum vitae, & arborem praestantissimam in Paradisi medio, summo artificio consistam, vnde aeterna percipitur vita, morte depulsa, repraesentatur. Illa nobis C H R I S T V M edidit & vitae dignum, & vitae fontem, qui ex ore Altissimi ad orbis terrarum arescentis vultum proluendum ac detergendum produit. Quis igitur hoc praestantissimo Paradiso non capiat, non oblectetur, non quam maxime detineatur? Quid ibi non sit quod ad summum virtutum amorem non alliciat, non vrgeat, incendat, inflammet? Ibi prudentiam, iustitiam, temperantiam, fortitudinem redolent vniuersa. Inde tamquam ex vberissimo fonte ad omnem animorum sitim explendam profluunt omnium ornamenta virtutum. Illa enim Dei lacusificat ciuitatem: illa in suscepto consilio fortis, illa in silentio temperans, illa in interrogandi ratione prudens, illa in diuina voluntate confitenda & laudanda iusta, illa denique cum vitae cursu tenuit, in quo nihil temere, nihil perturbate ne cogitauit quidem, sed maxima exempla sui ante oculos cunctis ad imitandum proposuit. Est etiam aquae ductus M A R I A, quae vberissimum bonorum omnium fontem aperuit. Est illa puteus aquarum viuentium, quae in vitam sempiternam ascendunt. Quis ibi superbiae flatus? quae sordis vilius nebula? quae iniquitatis glacies dominetur? Illa virtutum omnium chorū conciliauit, ex illa auctor vitae oritur est C H R I S T V S, qui scelus, hostes, mortem confregit, disiecit, peremit. Quam obrem iam licet mortalibus in Paradiso illo commorari, ac suauissimo cibo ex sententia vesci: nam Virginis aspectus illos ipsos caelestes spiritus pastit. Transite ad me omnes, qui concupiscitis me. Verum quem finem sibi comparabit oratio, si recensere singula voluerim? Ergo ceteris praetermissis, in M A R I A Virgine, per fidem videlicet firmam, cedrum exprimi videmus, per spem viuam cupres-

sum, per charitatem palmam, & quacumque arborum vires  
in illa non planissime percipiuntur? Mitto in ea com-  
miserandi oleam, mitto animi magnitudinis platānum, mitto  
benignitatis balsamum, animi demissionis cynamomum,  
corporis deprimendi ac seruandi myrrham. Lituemur  
iam rationis compotes, vt ita dicam, effectas animantes,  
quae illac hilares errant atque percurrunt. Ibi offenderis  
leporis diuino timore percussos, ibi ceteros amoris diuino  
elatos & incitatos, ibi philomelas nocturnis in actionibus  
concinentes, ibi turtures sublimi contemplatione impulsos,  
ibi palumbes simplici rerum vsu, & quadam quasi perpe-  
tua Deo placendi cura & cogitatione commotas. At vi-  
tem lactiliam esse Virginem cur non dixerim? Haec  
vitis sacrosanctum illum racemum in promissionis ter-  
ra olim declaratum, protulit Christum, qui magnitudine  
virtutum caelestium, (ò diuinum iubar, cuius splendor vel  
cogitantis aciem perstringit,) hominum mentes sibi simi-  
les efficere voluit, vt se ipso in omnes aeternitates perfrue-  
rentur. Quid iam praeterca desideretur? Nonne congrue  
ac recte MARIA Virgo cum toto mundo confecti potuerit?  
Non ne potius quidquam ex rebus humanis, excogitari  
posse negauerim, cuius illa praestantiam non longissime  
superauerit? Habet orbis terrarum herbarum vires? Est  
MARIA spei mater. Habet orbis terrarum omnium ge-  
nerum flores? Habet MARIA verba prope innumera, vn-  
de flagrantissimus virtutum odor efflatur. Habet frigida  
vberima orbis terrarum? Est charitas in MARIA omni  
virtutum choro constipata. Quid vero secundum Deum  
habet vniuersae terrae dominatum? Dominata est MA-  
RIA in terra, quae per illam fructum suum dedit, huma-  
ni generis saluatorem. Cernimus in mundo Solem? Su-  
spiciamus in Virgine fulgentissimam integritatem, à qua  
vniuersa collucent. Cernimus stellas in caelo? Suspicia-  
mus Virginem, quae Angelice, ac sanctissime viuendo &  
Angelorum & hominum sanctissimorum meritis, tam-  
quam stellis quibusdam insignita, caeli nobis aspectum iun-

cundissimum praebebat, & vaticinii praestantiam assequuta, se ab omnibus gentibus dictum iri beatam testata est. In illa, Apostolorum quoque, & Evangelistarum merita agnoscamus & praedicemus, à qua, tamquam à veritatis morumq. magistra, res plurimas edocti, euangelio nationes exteras imbuerunt, atque illud posterorum memoriae prodiderunt. Martyrum illam fuisse principem video, quando id, quod diuinitus prolatum fuerat: Et tuam ipsius animam pertransibit gladius, fuerit optime comprobatum. Confessorum stellam eam nuncupare ne vereamur, quae Dei Optimi Maximi sapientiam, sine omni carentem, & verbis & rebus ipsis, temporibus omnibus fatebatur, atque adeo concinebat: Magnificat anima mea Dominum, & quae sequuntur amplissima, quibus innumera mysteria continentur. Quamobrem & virginum & omnium ordinum princeps & caput est illa quidem, omnibus laureis, nitidissimis coronis, inauditis triumphis, omni auro, topacijs omnibus, omnium gemmarum ornatu, omni fulgentium trophaeorum pompa, & quam maxime & perpetuo celebranda, Sol ipsa, Luna, Aurora iure optimo nuncupetur, quae quasi aurora confurgens, verum Solem IESUM CHRISTUM ad se sua traxit tranquillitate, eumque admiranda ratione contractum, edidit in lucem, qui lucet in tenebris, quique matrem sibi quam simillimam reddidit, ut Solem alterum ipsam, nedum Auroram, existisse constaret. Verum ò mirificam & felicem iterum atque iterum Auroram dicam, an Solem? quod hostium perennis tenebris expulsis, laetitia allata caelesti, diem felicissimum & illustrissimum protulit. Illam quidem certe, controuersiarum insidijs remotis atque abiectis, Sol iustitiae CHRISTVS suis radijs illustravit, quibus orbi terrarum optatissimus dies illuxit. Quin etiam illa est pulchrior Luna: nam ista humores, illa gratiam parit. Non ne haec, Solis lumine in se transfuso, noctem illustrat? Virgo vero Maria, inferiorum nebulis profligatis, mentibus lumen praefert. Non ne ista ex cunctis astris est Soli simillima? non ne cun-



his syderibus suo illo candore præcellit? At **MARIA** ve-  
 ri Solis, atque adeo Diuinitatis simulachrum inter innu-  
 meros beatorum spiritus, qui Deo semper assistunt, in  
 sempiterna luce gloriosissime præfulget, ac secundum  
 Deum opt. max. imperat vniuersis, atque adeo illius præ-  
 cibus diuina sæpenumero, ac certe assidue potius, celsi-  
 tudo indulget atque concedit. Tota enim pulchra es, &  
 macula non est in te, & sine vilo vñquam defectu perpe-  
 tuis coruscas illustrata fulgoribus. At enim Luna, quæ suæ  
 circuitu ambit orbem terrarum, pariter crescens ac pariter  
 decrescens, variatur in dies. Et quoniam stultus, vt Luna  
 mutatur, factum est, vt pedibus Lunam premat. Virgo, quæ  
 nullam vñquam defectionem recepit. Stultitiæ vero prin-  
 cipem, affectum varie ac perturbatum, illa ipsa Virgo exi-  
 mia ac singulari prudentia redigere potuit in seruitutem.  
 Ex quo non tantum Luna, sed ipse quoque truculentissi-  
 mus humani generis hostis Virginis imperio dirioniq. subij-  
 citur. Neque vero tantum quidquid Sol ipse splendoris ac  
 facultatis habet, id totum ratione quadam perfectiore in  
**MARIAM** Virginem transfunditur, quum fuerit electa,  
 vt Sol, idq. virtutibus præstantissimis, quibus illa prælu-  
 xit: neque tantum quidquid in Luna boni, id perfectius &  
 absolutius est in **MARIA**, verum etiam quidquid ipse  
 Deus splendoris ac potestatis habet, id totum sacrosanctæ  
 Virginis voluntati ac precibus sæpe sæpius impertitum es-  
 se videatur. Te Sol iustitiæ delegit, vt ex te nasceretur. Tu  
 diuini amoris igne conflagrasti, vt fieres mater charitatis.  
 In te tantus diuinæ sapientiæ splendor enlucit, vt hæreti-  
 cam prauitatem contriueris. Tu alter Sol oriens super bo-  
 nos & malos, ad te confugientibus cunctis te clementissi-  
 mam præbes. Te Sole deficiente, præstantiorem, num-  
 quam defecit fides, quando Solem splendor defecit. Quid  
**MARIAE** Virgini aliud quispiam fortasse potissimum vo-  
 luerit comparari? Id vñ in illam optima profecto con-  
 uenerit, quod Pontificis Maximi auctoritate, pietate, stu-  
 dijs, additum ne dicam, an nuper erectum? Ac dem ne sa-

erosanctam; an templi partem, an summæ speciei tem-  
plum alterum potius appellem? Adfuit olim mihi Romæ  
Virgo M A R I A per nubem, per niuem, per templum, at-  
que Liberij Summi Pontificis, ac Ioannis Patritij facultatem  
& studium ad templum in Virginis ipsius nomen atque  
honorem exædificandum, per visum, niuium significatio-  
ne, flagitavit. Iam vero quid hac ætate fuerit à Te Paulo  
Quinto Pontifice Maximo perfectum, omnium oculis ac  
mentibus perpendendum præbetur. Ergo iure sperandum  
maxime esse videatur, fore, vt illa ipsa Virgo, quæ olim  
sedem, quæ Virgineum vterum, tamquam caelum, tam-  
quam templum, quæ niuis, idest pietatis suæ candorem  
præpotentis Dei filio præbuit, si eadem ratione illam per-  
petuis temporibus colendam esse censeamus, qua tum tem-  
poris ætas illa religiosa percoluit; adsit precibus, vota  
excipiat, Deum opt. max. flectat, vt nostris criminibus ve-  
lit ignoscere & indulgere, propulsare hostes, bona omnia  
elargiri. Neque enim sibi tantum à Ioanne Patritio tem-  
plum postulauit; verum etiam cunctis rationem quam-  
dam præscripsit, qua Deum, ac se ipsam quoque venera-  
remur. Et quoniam Deus matri suæ cultum habendum  
esse ostendit vel illis propemodum verbis: Ecce Dominus  
venit super nubem leuem, indicauit esse M A R I A M nubem  
quæ ex monte illo Libano, qui ad integritatem perpetuam  
declaramandam propter niues, quibus albescit, erat aptissi-  
mus, humores forte in niues cogendos contraxerat, qui-  
bus in Exquilij delapsis, templum sibi describeret. Harum  
niuium symbolum Te Paulum Quintum Pontificem Maxi-  
mum sequutum. Aedem augustissimam, celeberrimam &  
sacro sanctam templo augustissimo, celeberrimo ac sacro-  
sancto addidisse, ad Virginem celebrandam videmus. Me  
vero felicem Romam iam iterum atque iterum, cui tantus  
veræ solidæq. gloriæ cumulus accesserit: quippe quæ  
târis austa muoeribus, cladum omnium oblita, ad aureum  
omnino æuum, depositis omnium miseriarum, ac funestæ  
parentandi rationis exuijs, posse iam facile videar adspi-  
rare.

rare. Liceat igitur modo mihi meo quodam iure gloriari, atque summis gaudijs ac lactitijs exultare, non quod me inter vrbes ceteras, Urbem potissimam, caput Orbis, condiderunt diuino nutu maiores; non quod exterarum ac barbararum gentes, meo subiectas imperio, crebris triumphis exceperim vniuersas: non quod summis victoriarum monumentis onusta, egregijs laudibus extollar; verum quod in me Catholicae fidei fundamenta iam pridem iacta esse perspexerim, quod Sedis Apostolicae patronos, duo nimirum meorum ciuium propugnacula, sinu exceptos meo, tuear, foueam & conseruem, quippe qui cum infinito beatorum numero coniunguntur; quae in mea felici quidem terra, quiescentes existunt; quos ego ex me ad aeternam beatitudinem in vitam reuocatum iri dum cogito, video sane cetera mea bona hoc tanto bono cumulatam iri; quod tandem summos Pontifices superiores ille sit Pontifex Maximus consequutus, qui inter plurima quibus me cumulandam putauit, beneficia, Sanctam illam Franciscam olim ciuem meam, sed nunc caelestem, quam adeo sum venerata; quam homines adeo celebrauerunt, quam Deus optimus maximus adeo dilexit, ut per eam populo huic meo vniuerso beneficia plurima impertiatur, in ciuium caelestium numerum referendam putauit. Atque praeterea hunc beatum spiritum cum sancto illo, dignissimoque Carolo Borromaeo, meae Sanctae Romanae Ecclesiae Cardinale, Illustrissimae Mediolani ciuitatis, atque adeo meo Romae, ac totius orbis terrarum lumine & gloria, Christianae reipublicae perfugio, beneficiorum, ac mirandarum facultatum flumine, quibus Deus ac beatissima Virgo, illius precibus, humanum genus complectitur, in caeleste Senatum adscripto, coniunxit. Ex vtraque re magnam capio lactitiam, ac plane triumpho. Vt vero ad haec ipsa duo Ecclesiae sacrosanctae lumina maiore studio veneranda, suo quemque inflammaret exemplo, duo Sacella, aedificio illi Exquilino adiungenda & exornanda curauit, alterum tibi, Sancte Carole, sanctimoniae instaurator, ac no-

strae




Hæc memoriae decus, alterum tibi Sancta Franciscæ, quam  
 Romanæ pietatis & alumnam & altricem tuis temporibus  
 extitisse certo scimus. Quin etiam huius tam admirandi  
 Pontificis. Maximi beneficio, non modo sacrosanctum il-  
 lud Apostolorum Principi D. Petro dicatum templum, in-  
 gens, ornatisimum, sublime, augustissimumq; iam cer-  
 nor absolutum paene; verum templum etiam illud, in Ex-  
 quilij olim nimium candore indicatum, atque exaedifica-  
 tum, delicias omnino meas, acde præstantissima & augu-  
 stissima quidem Virginis MARIAE imagini præclaris-  
 simae sedem præbente, honorificentissime auctum, con-  
 templandi finem summa lætitiæ voluptate, mihi facere  
 minime possum. Mitto cetera non pauca, quæ ad meum  
 commodum præstitit: aquarum copiam deductam; ædifi-  
 ciorum ac viarum amplitudinem non cōmemoro. Gratuler  
 igitur ciuibus meis, necesse est, gratuler peregrinis, gra-  
 tuler omnium ordinum atque ætatum hominibus; gra-  
 tuler tanten In primis Paulo Quinto Pontifici Maximo, qui  
 diuino beneficio, tanta rerum præclare gestarū gloria flo-  
 reat. Atque ab vniuersis hominibus mihi petendum est, vt  
 hæc omnia & Pontifici Max. & Christianæ Reipublicæ  
 vniuersæ fausta & felicia & esse & fore Deus opt. max. ve-  
 lit, assidue deprecetur. Ego vero tanta bona, quibus me  
 Urbem, patriam tuam, ornare voluisti, Pater Beatissime,  
 præcipuo quodam animi mei sensu, accepta refero, ac tibi  
 gratias ago, quas possum, habeo, quas debeo; ac precibus  
 à Deo contendo, vt ipse referat, quas ipsa nequeo, & qui-  
 bus tantæ pietatis indicia digna esse videantur. Vt enim  
 amoris argumentum per templum MARIAE Virgini à ma-  
 ioribus dicatum, maxime patuit; ita Pauli Quinti Pont.  
 Maximi voluntatem in Virginem declaratam, communi  
 omnium approbatione, plausu, laudibus extollere debe-  
 mus. O pietatem igitur admirandam, o summi exemplum  
 Pontificis summo studio, & imitatione prosequendum.  
 Vt enim Virgo MARIA nubes extitit, quæ foecundissi-  
 ma pluuia ac niue potius yberima terrarum orbem sordi-  
 bus

bus liberauit; nec pluuiâ tantum, sed niue etiam candidissima ad omnium scelerum, ac perturbationum aestum leniendum, ad afferendam foecunditatem, ad bonorum omnium ubertatem elargiendam, me ipsam Romam conspergere quondam voluit; ita hisce temporibus, Summo Pontifice precibus & monumentis amplissimis à MARIA Virgine opem ad Ecclesiae Catholicae tranquillitatem & pacem impetrandam, toto pectore contendente; orbem terrarum illa ipsa Virgo sacrosanctis vlnis ac lacertis, quibus olim natum CHRISTVM extulit atque suscepit vindicandum ac tuendum suscipere non desister. Quis te igitur, Virgo, non iure optimo colat, non celebret, non veneretur? Te orbis terrarum laudibus extollit, quum apud omnes gentes, & vbique locorum, homines tuam praestantissimam dignitatem, tuam dignissimam singularemque virtutem, tuam virtutum omnium amplitudine cumulatam praestantiam suspiciant & admirentur. Est inter ceteras Italiae ciuitates tui potissimum, Virgo, studiosissima ciuitas illa, loco, vicinitate, origine mihi Vrbi, quae ex orbe terrarum errores & hostes expellere atque dissipare consuevit, cōiunctissima quidem, nec vllis nationibus vnumquam religione in Deum, neque fide in Apostolicam Sedem inferior fuit. Illa verò tum ob cultum tibi, Virgo, maxime debitum, & pro viribus habitum, tum ob tua pro patrociniis eximia beneficia & munera in illam collata, merito Ciuitas Virginis nuncupatur. Quocirca summae pietatis insignia per te potissimum, Virgo, Paulus Quintus Pontifex Maximus cū generis nobilitate, ac nobilis familiae propagatione, hic in tanto splendore procreatus, hic in tantam lucem susceptus, Senis oriundus, coniunxit: hic denique ad omnem disciplinarum eruditionem institutus atque edoctus, optimi & clarissimi parentis vestigijs insistendum putauit. Is enim Senis nobili genere natus, ac ciuitate mea demiceps donatus Romana. qui vir & quantus existerit, vix cogitatione complectar, nedum verbis ostendam: recentior tamen illius Marci Antonij Burghesij virtutum & actionū

me-

13  
14  
memoria neque est obscura plerisq; neque erit ignota posteritati. Mitto cetera, ne perorandi tempore videar exor-  
diri. Itaque argumentis iam apertissimis patet, hunc tantum, hunc tam insignem, tam pium, tam spectabilem, tam magni, tam grauis, tam constantis animi Pontificem Maximū toto suae vitae cursu nihil aliud in primis prae oculis habuisse, quam ut immortalis Deae Matrem quam maxime veneraretur. Vbi vero illius virtutem ad Pontificatus apicem sancti Spiritus afflatus euexit; ad summos honores tibi, Virgo, praestandos, ad amplissima monumenta, erigenda, quae animi erga te sui religionem, & immensi amoris indicia posterorum memoriae cum ingenti ipsorum lactitiae voluptate declararent, studio suo penitus collato; eadem amplissimam delicias, atque splendorem tum ipsius domus atque familiae, tum meum, Romae & orbis terrarum, artificiose, varie, affabre, mirifice exae-  
dicandam & exornandam curauit, vbi sanctissima illa, optimis pennicillis atque pigmentis expressa Imago tui, o caelorum ac terrarum Regina, quam dignissime, & quā honorificentissime collocaretur. En tandē multorum laborū & annorū opus perfectū & absolutū tibi Virgini & Deiparae dicat Paulus V. Pontifex Max. Christianae Reipublicae Sanctissimus Pater; atq; animi sui vestigia prae se ferēs, à te quidē vehementer petit, ut per te voluntatē perpetuam in aeuo illo sempiterno, in illo diuino cōspectu, in amplissimo illo ac iucundissimo beatorū caetu, in illa denique bonorū omniū vbertate, tum Deo Opt. Max. tū tibi exhibeat, praestet, adiungat. Excipe, Virgo, excipe, prosequere, cōplectere leue quidē munus, si tua meritorū celsitudo spectetur: si tamen vires hominū imbecillae atque mortales ponderētur, perfectū esse quiddam profecto maxime insigne, nemo est, cui nō maxime pateat. Respice studia Pōtificis Sūmi, sanctissimi, celeberrimi, & munus viribus humanis perfectū innumeris illis tuis caelestibus ac diuinis prosequi muneribus & cumulare digneris; atque pro tēplo, quod olim diuina niuiū descriptione à Ioāne Patritio poposcisti, & pro aede praestantissima, quā tibi à Sūmo Pontifice, acrimo an-  
pli-


placuit tui propugnatorē, & Christiāni nominis propa-  
gatorē oblatū vides, efficias, vt in tui memoriā & decus tē-  
pla, Deo tibi q. gratissima in hominū pectoribus, niuibus, pi-  
cturis, coloribus adūbrentur: tēpla, virtutū omniū candore  
præfulgētia, perturbationū omniū aestibus delinitis, Virgi-  
nis ope ac praesidio, alacriter extruātur. Tēpla tibi, Virgo,  
innumera à tui studiosissimis cōstruenda, tuis praesidijs ac  
beneficijs, firmes, precor, ac fulcias, vt per ea iā ascēdāt vni-  
uersi ad te Virginē singulārē, ad te Paradisū, Lunā, Aurorā,  
Solem, ad te virtutū columen, ad te vitiorū & hostiū expul-  
tricē, ad te montē omniū montium praestantissimū, montē  
coagulātū, montē pinguem, montē, in quo beneplacitū est  
Deo habitare, montē saluberrimū ac frugiferum, ex quo fru-  
ctus optimus, ac Diuinus, Deus ipse homo natus est, quū iā  
ipsa lepidissimis coronis, victricibus laureis, amplissimis tro-  
phaeis, inauditis triūphis onusta, & Dei & tuo in caelis fi-  
lio assideas, perpetuo decoranda, ò Maria, rerū videlicet om-  
niū Domina, & Regina. Tu nos fulgentissimo illo tuo Chri-  
sti vexillo protege, nos cōplectere, nos tuere. Tu supplex &  
mater & Virgo iudicē Deū & filiū placa. Te laudāt Angeli,  
per quā ipsorū numerū sanctorū hominū numero expletū  
fuisse contuentur, dū pro te cōperueniūt homines, vnde su-  
perbiae spiritus exciderunt. Te caelestis curia concelebrat,  
quia ipsi laudē, honorē, gloriam in Saluatoris Christi partu  
peperisti. Te celebrat, te appellat orbis terrarū, qui te in cae-  
lis patronā sibi fore cōfidit. Te iā concelebramus vniuersi,  
tuo patrocinio freti; & in sacrosanctae Ecclesiae theatrū cō-  
uocati, ad te cōfugimus, à te opem petimus, quia peccatori-  
bus indulges, quia iustos tuis precibus regis & foues, quia  
virginum caput es, quia matronas inuisis & protegis, quia  
tē Virginem venerantur & viduae, quia denique omniū or-  
dinū atque aetātū hominibus faues, vt continentiam cuncti  
filio tuo voueant Iesv, qui aeterno parenti Deo, torius iu-  
stitiae ac pacis auctori, omnem omnium integritatē ac pie-  
tatem addictam & gratissimam reddidit, atq; acerbissimis,  
varijsq. perpeffionibus, cruciatibus, sanguine, interitu, ad  
Dei Patris, suam, suorūq. omniū gloriā, consecrauit. Dixi.



2  
15  
6  
)

A

M  
i  
i  
ni  
--  
r-  
o-  
i-  
i-  
ta  
o-



DE ADVENTV  
SANCTI SPIRITVS  
ORATIO  
AD VRBANVM VIII P. M.  
*Habita*  
A MARTINO FRANCISCO  
NALD. A BURDESIA  
*Scm. Rom. conu.*

34-10-F-12-



14  
16  
Illustrissimo Principi

# ANTONIO CARD. BARBERINO

MART. FRANCISCVS NALD. A BURDESIA  
Semin. Rom. Conu. F.



SPIRATIONEM  
Auræ vehementis,  
Princeps Illustrissi-  
me, quæ Diuini  
Spiritus maiesta-  
tem in orbem ter-  
rarum deuexit, vt breui oratione pro-  
sequer, nouo & ipse afflatu indi-  
gebam. Ille abs Te potissimùm mi-  
hi petendus erat, cuius Purpurata  
Sapientia, & Humanitas tot non ho-  
minum

minum modò , sed populorum votis aspirat . Exploratum sanè id est ; cum Sole Venti halitum nasci : & purpureum Cælum Auras mouere, quas tempestiuè flantes benigniora sydera terris conciliant . Hanc ego mihi sortè audeo augurari ; vt affulgente Tuæ lucis Purpura secundos hauriam spiritus ad dicendum : & in posterum prospero cursu rerum foelices ad exitus iucundè prouehar ; si , semper renascente Tuarum splendore Virtutum , me Sol serenus aspexeris . Vale .



# ORATIO<sup>15</sup> 14

*Factus est repente de Cælo sonus tamquam aduenientis spiritus vehementis. Act. 2.*



SONVS ille Spiritus vehementis, qui hodie factus è Cælo, Beatissime Pater, in augusta Sionis curia inclusos nascentis Ecclesiæ Patres penetrabili ardentium linguarum imbre perfudit; è collibus Hierosolymæ demissus exijt in fines terrarum: & silentium diuturnæ noctis, cui tenebrarum Principes caliginem scelerum offuderant, eloquentibus flammis aliquando submo-uit. Ad hanc immortalis Auram vitæ breui cursu mea velificabit Oratio. Quanta porrò vis aduenientis Auræ? cuius aspiratione humanas mentes illabitur Deus: fulgentes in linguas disertus ignis accenditur: aër subita agitatione dissoluitur: terra

commouetur: mundus ipse inopinato impetu euerberatus defectum timeret, nisi eodem, quo laborat, spiritu recrearetur. Mirum fanè quot super pennas incredibilium portentorum ambulans Auster cælestis superne personuit. Sono, halitu, afflatu ventus erat, cuius vix appellationem, nedum ingenium sortiebatur, & mores. Etenim hanc Ventis natalium originem Natura indulget; vt laceffente Sole, aquarum, terrarumque spirabilis vapor in altiora nubium receptacula confluat, vbi coaceruatus, & incremento caloris amplior factus, nec se angustis faucibus continens, refractis obsidentium corporum quasi carceribus, in nouam Ventorum sobolem erumpat; quæ patria multiplex, natura dissimilis, cursu violenta, spiritu pertinax, non sine concussu circumfusi aëris, conflictu aquarum fluctuantium, siccitate, atque humore terrarum, serenitatis, imbriumque vicissitudines per certa locorum, ac temporum

porum interualla definiat. Leuis igitur  
 terræ fœtus est, qui parentis grauem sinum  
 paulum declinat, vt eam beneficia fœne-  
 rantem conuectis pluuiæ alimentis, grata  
 remuneratione reficiat. Nunc verò quod  
 homines perflat, è Cælo egeritur. Quan-  
 tum porrò egestum est, cum perflat è Cæ-  
 lo Deus? Replet vnâ Domum Spiritus,  
 qui immensolatè circuitu repleuit Orbem  
 terrarum. Paucis ex omni mortalitate spi-  
 rat, qui omnibus portat spiraculum vitæ.  
 Venit Auster in hortum suum; nec solum  
 ibi terra re floruit, sed vbique terrarum,  
 flores suauem virtutis odorem afflantes  
 aperuit. Quid, cum ignem venit mittere  
 in terram? prodigiosa duntaxat conuer-  
 sione rerum, vt Austro flante aquæ non  
 fluerent, quo solutis è nubibus congloba-  
 tus humor in pluuiam effunditur. Nimi-  
 rum pluuiarum vndarum architectus Spi-  
 ritus hodie nouo machinamento Cæli pu-  
 rissimos ignes elaborauit in pluuiam: &  
 ignea-

ignearum imbre linguarum quorum ver-  
 tices inflammavit , eorum cordibus infu-  
 dit incendia Charitatis; vt in splendoribus  
 Sanctorum eluceret hominibus impertita  
 diuinitas . Deus enim ignis consumens est :  
 sed refrigerante Spiritu, quos diuinus ignis  
 accenderat , non consumit . Verùm non  
 angustia pectorum perferre immodicos æ-  
 stus : non obstricti parietes inclusam elu-  
 ctantium flammaram vim coërcere potue-  
 runt . Deiecto formidinis vallo, reductis-  
 que foribus, emittitur bellatorum inclusus  
 ille manipulus , perexiguus quidem nume-  
 ro, aspectu inermis , & imbecillus; sed ful-  
 minante Spiritu procellarum impulsus: ful-  
 gurante lingua pro telo instructus: arden-  
 ti voce pro iaculo : &, quod est ancipiti gla-  
 dio penetrabilius, Verbo Dei . Nec tu Hie-  
 rosolyma amplissimis quamquam mœni-  
 bus tantos ardores cælare potueras , quos  
 validus Aquilo acriter euentilatos in om-  
 nes latè populos effundebat . Neque enim  
 cele-

17  
celerior olim super aquas,quàm tum super  
terras Spiritus Domini ferebatur : ac pesti-  
fero vulnere exanimatis , iacentibusque  
gentium cadaueribus animæ viuentis of-  
ficia ministrabat . Quam enim vitam ab  
hominum primo acceperant , qui generis  
sui fuerat ante parricida,quam parens ? At-  
qui nuper Dei Filius , cùm ex horribilium  
tormentorum pelago , in primo fœlicitatis  
aditu , portuque immortalitatis constitif-  
set, primitias Spiritus, pretiosissimas veluti  
merces,dilectis animarum institoribus con-  
uehendas reliquerat . Sed credita Petro  
Nauis adhuc Palæstino hærebat in littore,  
nec se furentibus procellis quocumque si-  
bilo auræ tenuis committere audebat . Ve-  
hementē Spiritum opperiebatur, qui ferret  
Arcam fœderis immensarum aquarum flu-  
ctibus commeantem , mundoque naufra-  
ganti perennioris spem vitæ , opesque so-  
lidas reconditæ Diuinitatis inferentem .  
O expectatum diem, cuius exortu Ventum

de thesauris suis æternus Sol coronatus igne produxit. O Auram salutarem, quæ spirantium facundia linguarum, mortalium salutem disertè personuit. Tunc enim uerò Patres fidei nostræ, fœlicitati restituendæ initos cursus celerrimè tenuerunt. Ad omnium gentium fines, ubi erat impetus Spiritus, gradiebantur: Aspiratione Diuina excitatum robusto animarum pabulo augebant incendium: nefarios impiæ superstitionis ignes altaribus exstinguebant: illustribus linguis fundebant perinde auribus vocem, ac mentibus lucem: & ore multorum internuncio etiam barbaræ, atque inhumanæ gentes loquentem agnouêre lumen Patrem. Tu nempe Spiritus oris nostri in illis loquebâre. Tu, cùm alios alijs terris, ad distribuendas amoris tui faces, legatos destinares, Petrum omnium Principem Romam dimittebas; ut hanc vniuersitatem terrestrium miraculorum conuerteres in nouæ miraculum religionis: omnibus

nibusque templis impietatis cōtaminatam, templum faceres Spiritus Sancti. Hanc nimirum Aulam regnantis Fidei, Spiritus veritatis exinde circumuolasti; remotus quidem ab oculis, sed altius in aurem credentium animarum illapsus, & candida sub imagine interdum spectabilis; cum suspiranti ad Ecclesiæ clauum Magno Gregorio, amabilis Columba non inspirabas doloris gemitum, sed liquidæ concentum voluptatis: fessumque regendo mundi gubernaculo, moderatorem gentium dirigendo, docendoque recreabas. Ignem hic cælestem foves, à quo Hæreticæ furiae interitum: bonorum Pietas calorem vitæ mutuatur, & lucem. Linguis præfulges ardentibus, quarum voces vocatis hodieque ad salutem Aethiopum, Indorumque populis, audiunt vltima terrarum. Lenibus auris alios vitæ fluctibus agitados prouehis: prouectos alios ad fœlicitatem deducis: omnibus aspiras mortalium Paraclitus, immortalium Spiritus animorum.

**R O M A E,**  
**Apud Hæredem Bartholomæi Zannetti.**  
**M D C X X I X.**

---

**SVPERIORVM PERMISSV.**

